


staark kanner



DEMANDE FIR DE BÄITRËTT ZUM CSA-SYSTEM



LE GOUVERNEMENT
DU GRAND-DUCHÉ DE LUXEMBOURG
Ministère de l'Éducation nationale,
de l'Enfance et de la Jeunesse



Elteren, déi zu Lëtzebuerg wunnen an d'CSA-Betreiungsoffer wëllen notzen, müssen sech perséinlech bei der **Gemengeverwaltung** vun hirem Wunnuert mellen.

EU-Bierger, déi net zu Lëtzebuerg wunnen, awer hei schaffen, an déi d'CSA-Betreiungsoffer wëllen notzen, müssen sech perséinlech bei der **Zukunftskeess** mellen (Caisse pour l'avenir des enfants – virdu Caisse nationale des prestations familiales).

D'Demande fir de Bäitrëtt zum CSA-System kascht näischt a kann zu all Moment gemaach ginn.

Ass deen, deen d'Demande mécht, net de gesetzleche Verrieder, muss e vun dësem eng ënnerschriwwe Procuratioun hunn.

Opgepasst: D'Eltere müssen hiert Kand selwer bei der CSA-Betreiungsstruktur umellen. D'Kanner ginn a Funktioun vun den disponible Plazen an de vum Gestionnaire definéierte Prioritéiten opgeholl.

1. Noutwenneg Informatiounen an Dokumenter fir den CSA-Bäitrëtt

De Beamten, deen d'Umellung entgéinhält, muss déi heiten Daten an de Computersystem aginn:

- Numm a Virnumm vum Kand
- national Identifikatiounsnummer vum Kand
- Numm, Virnimm an national Identifikatiounsnummer vum gesetzleche Verrieder
- national Identifikatiounsnummer vum Partner vum gesetzleche Verrieder am Fall vun engem zesummegegate Stot
- Adress vum Kand
- Adress vun deem, deen Demande mécht
- Rechnungsadress
- Zuel vun de Kanner am Stot vum gesetzleche Verrieder, déi Kannergeld kréien
- Informatiounen zum Akommes vum Stot, an deem d'Kand leeft
- Kommunikatiounssprooch, déi de gesetzleche Verrieder gewielt huet

Fir den Ofschloss vun engem Bäitrëttkontrakt erlaabt deen, deen d'Demande mécht, dem Gemeindebeamten et, déi fir d'Demande noutwenneg perséinlech Daten am Nationale Register vun den natierleche Persounen (Registre national des personnes physiques – RNPP) oder dem Gemengeregister vun den natierleche Persounen (Registre communal des personnes physiques – RCPP) an och an der Datebank vum Centre commun de la Sécurité sociale nozekucken

2. D'Akomes vum Stot

De finanzielle Bäitrag vun den Eltere gëtt dem Akomes vum Stot, der Zuel vun de Kanner am Stot, déi Kannergeld kréien, an dem Rang vum Kand an der Folleg vun de Geschwëster ugepasst.

Wann d'Elteren sech net zum Akomes vum Stot wëllen äusseren, da gëllen déi Tariffer, déi an der leschter Kategorie vun der Tabell iwwer d'Ergebendelegung vun den Elteren („Keng Informatioun iwwert d'Akomes“) stinn.

Wéi d'Akomes vum Stot berechent gëtt, steet am [PDF: Berechnung vun der finanzieller Bedeelegung vun den Elteren](#).

De Beamte kann zousätzlech Dokumenter verlaangen, fir d'Akomes vum Stot ze dokumentéieren.

3. Validitéit vum CSA-Bäitrettskontrakt

De Bäitrett zum CSA-System ass zu all Moment méiglech. De Kontrakt deckt ëmmer e ganze Mount of (Ofrechnungszäitraum) a geet maximal iwwer 12 Méint. Den Ofrechnungszäitraum fänkt den éischte Méindeg vum Mount un an hält de Sonndeg virum éischte Méindeg vum nächste Mount op.

Ausnamsweis kann de Beamten d'Dauer vum Kontrakt op dräi Ofrechnungszäitram beschränken.

D'Eltere si fir d'Erneuerung vun hirer Adhesioun verantwortlech. Déi néideg Demarche muss spëtstens am Laf vum Mount gemaach ginn, an deem d'Adhesioun ofleeft. Gëtt d'Kaart net erneiert, kënnen d'CSA-Leeschtungen net méi an Usproch geholl ginn. D'Eltere mussen da fir déi ganz Käschte vun der Betreierung opkommen.

Ännert sech eppes un der Situatioun vun deem, deem d'Demande gemaach huet, oder vum CSA-Begënschtegten (z. B. Ännerungen, wat d'Akomes ugeet, anere Wunnsätz asw.), muss deem, deem d'Demande gemaach huet, der Gemeng, an där den CSA-Begënschtegte wunnt, dat matdeelen. D'Gemeng suert dann dofir, datt d'Daten aktualiséiert ginn.

4. De Bäitrettskontrakt

D'Eltere kréie fir all Kand en CSA-Bäitrettskontrakt, deem a Kraaft trëtt, soubal d'Elteren en ënnerschriwwen hunn. Pro Kand ka just ee Bäitrettskontrakt ofgeschloss ginn; et ass och just eng Rechnungsadress méiglech. De Bäitrettskontrakt gëtt op Franséisch, Däitsch, Englesch oder Portugisesch opgesat, jee no Wonsch vun den Elteren.

De **Bäitrettskontrakt** ernimmt:

- d'CSA-Tariffer fir dat betreffend Kand
- déi finanziell Bedeelegung vun den Eltere fir all Haaptmoolzecht
- d'Dauer vum Kontrakt, den Datum vum Ufank a vum Enn vum Kontrakt.